

Na osnovu Memoranduma o razumijevanju između Misije Organizacije za sigurnost i saradnju u Evropi za Bosnu i Hercegovinu (OSCE BiH) i Univerzitet u Sarajevu-Pravnog fakulteta (UNSA-PFSA) zaključenog dana 24.02.2022. godine u Sarajevu s ciljem promocije slobode izražavanja i medija u BiH, OSCE BiH i UNSA-PFSA dana 28.02.2023. godine raspisuju

## **KONKURS ZA NAJBOLJI STUDENSKI ESEJ IZ OBLASTI MEDIJSKOG PRAVA**

### **NA TEMU:**

***„Cyberbullying: granica između slobode izražavanja i povrede prava drugih“***

Društveni mediji kao neodvojiv dio naše svakodnevnice omogućili su brojne prednosti i nedostatke u životu svakog pojedinca/ke, ali i društva. Ubrzana komunikacija između ljudi i olakšano širenje vijesti i informacija, razmjena mišljenja i jednostavnije profesionalno povezivanje, te postojanje virtuelnog prostora za debatu o aktuelnim pitanjima su samo neke od prednosti koje sa sobom nosi pojava društvenih medija. No, društvene mreže posjeduju i svoje negativne strane. Jedna od njih je i cyberbullying, kao svjesna, usmjerena i vremenski ponavljajuća radnja zlostavljanja korištenjem digitalnih tehnologija. Ipak, strogim pravnim reguliranjem društvenih medija u cilju suzbijanja cyberbullying-a i zaštite prava na privatnost i drugih prava pojedinaca/ki, javlja se i moguća opasnost ograničavanja temeljne ljudske slobode - slobode izražavanja.

Od studenata/ica se u eseju očekuje pravna analiza fenomena cyberbullying-a.

Ta analiza, između ostalog, uključuje i definiciju i pregled pojava oblika cyberbullyinga, te njegovih odlika koje ga čini izazovom za savremeno društvo. Studentima/cama se sugeriše da obrate pažnju na međunarodne, nacionalne i samoregulatorne akte koji zabranjuju cyberbullying. U eseju je bitno osvrnuti se i na slobodu izražavanja i ukazati na njene granice, odnosno kada ona prelazi u povredu prava drugih. Također, studenti/ce mogu kroz komparativno-pravnu analizu i sa kritičkim osvrtom u svom eseju prikazati i moguća pravna rješenja ovog aktuelnog problema *de lege ferenda*, te zauzeti stav kako društvo i države trebaju da se postave prema ovo fenomenu u smislu prevencije i intervencije.

### **USLOVI KONKURSA:**

Na konkurs se mogu prijaviti studentice i studenti I i II ciklusa studija prava svih javnih pravnih fakulteta u BiH.

Esej treba da ima od 3.000 do 5.000 riječi.

Esej treba biti napisan u skladu s uputama za Godišnjak Pravnog fakulteta u Sarajevu. Upute su dostupne na: <https://www.pfsa.unsa.ba/pf/wp-content/uploads/2018/01/Upute-za-autore.pdf>.

Esej mora biti samostalni, autorski istraživački rad i poštovati načela akademskog istraživanja i pisanja uz puno poštovanje autorskih prava drugih lica.

## ROKOVI I NAČIN PREDAJE ESEJA:

1. Rok za predaju: 28. mart 2023. godine
2. Esej će se može predati na sljedeće načine:
  - Na protokol Dekanata UNSA-PFSA u štampanoj formi, u zatvorenoj koverti pod šifrom (ne ličnim imenom) i to svakim radnim danom zaključno sa 28.03.2023. U posebnoj (dodatnoj), zatvorenoj koverti navesti razjašnjenje šifre uključujući ime i prezime studenta/ice, godinu i ciklus studija, naziv fakuteta i univerziteta, kontakt email adresu i broj telefona.
  - Preporučenom poštom na adresu Dekanata UNSA-PFSA (Obala Kulina bana 7, 71000 Sarajevo), sa naznakom "Esej iz medijskog prava" i šifrom (ne ličnim imenom) studenta/ice, zaključno sa 28.03.2023. Esej se u koverti dostavlja u štampanoj formi. U koverti sa esejom treba biti i posebna (dodatna), zatvorena koverta sa razjašnjenjem šifre uključujući ime i prezime studenta/ice, godinu i ciklus studija, naziv fakuteta i univerziteta, kontakt email adresu i broj telefona.
3. Rezultati konkursa će biti objavljeni na web stranici UNSA-PFSA, te društvenim mrežama UNSA-PFSA (Instagram i Facebook) i društvenim mrežama Misije OSCE-a BiH u prvoj polovini mjeseca aprila 2023. godine.

## OCJENA ESEJA:

Pristigle eseje će vrednovati tročlana komisija sastavljena od predstavnika UNSA-PFSA i Misije OSCE-a u BiH.

## NAGRADNI FOND:

1. **Nagrada:** Redmi Buds 4 Pro (Moon White) slušalice.
2. **Nagrada:** Xiaomi Mi smart Band 7 pametni sat.
3. **Nagrada:** Xiaomi MI Smart zvučnik.
4. **Studenti/ce koji osvoje prva tri mjesta na konkursu se ujedno neposredno kvalifikuju za učešće u 3. Školi medijskog prava u organizaciji UNSA-PFSA i Misije OSCE-a u BiH** koja će se održati krajem septembra, pod uslovom da nisu već ranije učestvovali u istoj.

## PREZENTACIJA NAGRAĐENIH ESEJA:

Prezentacija nagrađenih eseja će se održati u drugoj polovini mjeseca aprila 2023. godine, o čemu će nagrađeni studenti/ce biti informisani prilikom objave pobjedničkih eseja.